

TERMA DAN SYARAT

PROGRAM PENUKARAN BAKI AUTOMATIK (“ABC”)

Terma dan Syarat ini adalah tertakluk kepada Program Penukaran Baki (“ABC”) Kad Kredit-i Bank Islam (“BIC-i”). Ahli Kad-i adalah dinasihatkan untuk membaca dan memahami Terma & Syarat sebelum bersetuju untuk mengambil bahagian dan/atau menyertai program ABC.

Terma dan syarat ini hendaklah dibaca bersama dan sebagai tambahan kepada Terma dan Syarat Kad Kredit-i Bank Islam.

Terminologi yang dirujuk di sini adalah sama seperti yang dinyatakan dalam Terma dan Syarat Kad Kredit-i Bank Islam kecuali dinyatakan sebaliknya.

1. Program Penukaran Baki Automatik (“ABC”)

- a. Program ABC adalah program yang menukarkan baki tertunggak Pembiayaan Kad-i Bank Islam kepada pelan pembayaran ansuran tetap pada kadar keuntungan yang lebih rendah untuk Ahli Kad-i yang memenuhi kriteria kelayakan seperti yang dinyatakan dalam Klausula 2 di sini.
- b. Program ABC akan bermula dari 2 Januari 2020.

2. Kelayakan

- a. Ahli Kad-i yang memenuhi kriteria berikut adalah layak dan akan didaftarkan secara automatik ke dalam Program ABC :
 - i. Warganegara: Malaysia; dan
 - ii. Pendapatan bulanan: Kurang daripada atau sama dengan Lima Ribu Ringgit Malaysia (RM5,000) (seperti didalam rekod pendapatan di Bank Islam); dan
 - iii. Rekod pembayaran: Purata pembayaran baki tertunggak adalah sepuluh peratus (10%) atau kurang dalam tempoh dua belas (12) bulan yang lalu; dan
 - iv. Baki tertunggak minimum ialah RM 1,000; dan
 - v. Akaun Pembiayaan Kad-i Bank Islam adalah semasa dan tidak tertunggak.
- b. Ahli Kad-i yang layak akan menerima khidmat pesanan ringkas (“SMS”) daripada Bank Islam untuk makluman kelayakan Ahli Kad-i menyertai Program ABC ini.

3. Penukaran Kepada Program ABC

- a. Hanya baki prinsipal transaksi runcit yang tertunggak Ahli Kad-i akan ditukarkan kepada ansuran bulanan tiga puluh enam (36) bulan. Baki skim pembayaran ansuran (seperti Pelan Ansuran Transaksi Runcit (RSVP) atau Pelan Bayaran Ansuran (IPP)) adalah tidak terpakai.
- b. Amaun minimum yang boleh ditukarkan ialah Satu Ribu Ringgit Malaysia (RM1,000).
- c. Baki tertunggak akan ditukarkan pada kadar keuntungan efektif tiga belas peratus (13%) setahun.
- d. Amaun yang ditukarkan adalah sebahagian daripada had Pembiayaan Kad-i Bank Islam. Had Pembiayaan Kad-i Bank Islam untuk Ahli Kad-i akan dikembalikan secara berperingkat berdasarkan ansuran bulanan yang dibayar dan ia akan dikembalikan sepenuhnya jika pembayaran penuh dibuat.

- e. Untuk penukaran kali pertama, Ahli Kad-i boleh memilih untuk keluar daripada Program ABC dalam masa tiga puluh (30) hari dari tarikh pemberitahuan berkenaan penukaran yang dihantar oleh Bank Islam kepada Ahli Kad-i. Walaubagaimanapun, untuk penukaran seterusnya, Ahli Kad-i akan diberi peluang untuk memilih keluar sebelum penukaran bermula. Ahli Kad-i boleh merujuk Klausula 5 di sini untuk memilih keluar daripada Program ABC.
- f. Walaupun Ahli Kad-i didaftarkan secara automatik ke dalam Program ABC, penukaran itu tidak akan berlaku jika semua kriteria kelayakan seperti dalam Klausula 2 di sini tidak dipenuhi pada bulan penukaran berkuatkuasa. Pembiayaan Kad-i Bank Islam untuk Ahli Kad-i akan dinilai semula dan penukaran hanya akan dibuat setelah memenuhi kriteria kelayakan seperti di dalam Klausula 2 di atas.
- g. Bagi Ahli Kad-i yang telah menyertai Program ABC, Bank Islam hanya akan menilai kelayakan Ahli Kad-i untuk pendaftaran automatik seterusnya ke dalam Program ABC, dua belas (12) bulan selepas penilaian terakhir dilakukan. Sekiranya selepas penilaian semula Ahli Kad-i didapati layak , Ahli Kad-i akan didaftarkan secara automatik ke dalam Program ABC yang lain bagi baki Pembiayaan Kad-i Bank Islam baharu yang tertunggak dan perlu dibayar dalam tiga puluh enam (36) ansuran bulanan.
- h. Tiada yuran dan caj dikenakan untuk penukaran.
- i. Dengan persetujuan Ahli Kad-i mendaftar dalam Program ABC, Ahli Kad-i bersetuju untuk pembaharuan Pembiayaan Kad-i Bank Islam bagi tempoh selama tiga (3) tahun yang berikutnya selepas tempoh matang Pembiayaan Kad-i Bank Islam.

4. Pembayaran

- a. Selepas penukaran kepada Program ABC berjaya, ansuran bulanan ABC akan bermula pada bulan berikutnya dan ditunjukkan dalam Penyata Pembiayaan Kad-i Bank Islam.
- b. Ansuran bulanan ABC adalah sebahagian daripada bayaran bulanan minimum Ahli Kad-i di dalam Penyata Pembiayaan Kad-i Bank Islam. Ansuran bulanan ABC adalah tetap dan hendaklah dibayar sepenuhnya pada atau sebelum tarikh matang bayaran.
- c. Kegagalan untuk membayar ansuran bulanan secara penuh akan tertakluk kepada kadar keuntungan semasa Pembiayaan Kad-i dan Ta'widh kepada baki yang belum dibayar.
- d. Sekiranya terdapat kemungkiran dalam pembayaran terhadap semua wang terhutang di bawah Program ABC atau pembatalan Pembiayaan Kad-i Bank Islam, sebarang ansuran tertunggak atau baki wang yang belum dibayar di bawah Program ABC ini akan serta-merta menjadi tunggakan dan perlu dibayar oleh Ahli Kad-i.

5. Pembatalan atau Keluar Selepas Penukaran

- a. Sekiranya Ahli Kad-i ingin membatalkan atau keluar dari Program ABC selepas penukaran kepada Program ABC, Ahli Kad-i boleh menghubungi Pusat Panggilan & Khidmat Pelanggan Bank Islam melalui telefon di 03 2690 0900 atau emel contactcenter@bankislam.com.my.

- b. Amaun yang ditukar akan dikembalikan kepada Pembiayaan Kad-i Bank Islam dengan pembatalan Program ABC dan kadar keuntungan semasa Pembiayaan Kad-i akan dikenakan.

6. Penyelesaian Awal

- a. Ahli Kad-i boleh menyelesaikan amaun tertunggak di bawah Program ABC sebelum tamat tempoh Program ABC. Bagi penyelesaian awal, Ahli Kad-i mesti membayar balik baki tertunggak bagi amaun penukaran berserta dengan caj keuntungan yang berkaitan, keuntungan terkumpul, Ta'widh dan semua wang lain yang perlu dibayar dan belum dibayar di bawah Pembiayaan Kad-i Bank Islam.

7. Terma dan Syarat Lain

- a. Terma dan Syarat di dalam ini adalah tambahan dan tanpa prejudis kepada Terma dan Syarat Kad Kredit-i Bank Islam. Sekiranya ada di antara terma dan syarat tersebut yang tidak konsisten, terma dan syarat ini akan diguna pakai berhubung dengan Program ABC.
- b. Jika Ahli Kad-i telah didaftarkan dalam Program ABC tetapi kemudiannya Bank Islam mendapati bahawa Ahli Kad-i adalah tidak layak atau telah melanggar mana-mana terma dan syarat ini atau mana-mana Terma dan Syarat Kad Kredit-i Bank Islam atau tidak mempunyai had pembiayaan yang mencukupi di bawah Pembiayaan Kad-i Bank Islam, Bank Islam berhak untuk menarik balik penukaran Program ABC dan membatalkan pendaftaran Ahli Kad-i ke dalam Program ABC dan jumlah penukaran tersebut akan dikembalikan semula ke akaun Pembiayaan Kad-i Bank Islam seolah-olah penukaran itu tidak berlaku dan caj keuntungan biasa akan dikenakan.
- c. Semua Terma dan Syarat di dalam ini adalah tertakluk dan ditafsirkan mengikut undang-undang Malaysia dan Ahli Kad-i bersetuju untuk terikat dengan bidang kuasa Mahkamah-Mahkamah Malaysia

Untuk maklumat lanjut, sila kunjungi cawangan Bank Islam atau hubungi Pusat Panggilan kami di 03 26 900 900 atau layari laman web kami di <http://www.bankislam.com.my>.